

Guangjsih Minzcuz Bau

ganbhau: CN45-0036 B.2013 Nd.1 Ng.16 liggaueq nyaemzsaenz nienz ndwelab co'ngux

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3057期

Daengx Gih Minzveij Minzyijveij Hidungj Gunghcoz Veiyl Youq Nanzningz Ciuhai

全区民委民语委系统工作会议在南宁召开

Bonjbauq siusik(gicej Yangz Lanzgvei) 1 nyied 15 hauh, Daengx Gih Minzveij Minzyijveij Hidungj Gunghcoz Veiyl youq Nanzningz Ciuhai. Swcigih Dangjveij fusuhi Veiz Cauzanh fat fung saenq he daeuj, haenh bi'gvaq minzcuz、minzyij gunghcoz aeu ndaej cingzcik ndei, maqmuengh daihgaya bineix engqgya haengrengz guhhong, hoh daihgaya bi moq ndang rengz ndang cangq, daengx ranz vuenyungz. Swcigih fucuzsiz Gauh Yungz camgya haihoih caemhcai guh cungyau gangjvah. Daengx gih gak si minzveij、minzyijveij cujyin, dangjcu suhgi, gak yienh(si、gih) minzcuzgiz gizcangj、minzyijban cujyin caeuj Swcigih Minjveij、Minzyijveij gih-gvanh daengxyoengq ganbu cizgungh

caeuj cizsuz gak danhvei lingjdauj banhsuj cwngzyenz gungh 320 vunz camgya haihoih.

Gauh Yungz youq gwnz hoih gangj, 5 bi daeuj, gih raeuz minzcuz gunghcoz caeuj minzyij gunghcoz aeu ndaej cingzcik ndei. De giengzdiuh, dangj caeuj guekgya itcig yawjnaek minzcuz gunghcoz, Cibbet Daih cix gaenq guh liux busuj, daezok le fwndou muzbyauh, Swcigih Dangjveij、Cwngfuj itcig dawz coicaenh minzcuz doxgiet dangguh gij hong naek hong youqgaen laeb dangj cizcwng caeuj cizcwng vih minz. De iugouz daengx gih gak gaep gak bumwnz aeu dawz Cibbet Daih cingsaenz guh cijdauj, maedsaed doicaenh minzcuz doxgiet cinbu mozfangih gensez; daengx gih

minzveij、minzyijveij hidungj aeu cungfaen fazveih gij ciznwngz cozyung shwgeij, coicaenh daengx gih minzcuz gunghcoz.

Swcigih Minzveij、Minzyijveij cujyin Luz Yenbenj daiyauj song vej dangjcu guh gunghcoz baugau, cunggez le 2012 nienz gunghcoz, caemhcai cunggez le 5 bi daeuj gij dijei ndaw minzcuz gunghcoz sizcenj, lij doiq gij hong 2013 nienz caeuj gvaqlaeng duenh seizgan he haengrengz doidoengh minzcuz doxgiet cinbu mozfangih gensez caeuj guh ndei bonjfaenh gensez daengj guh le anbaiz.

Nanzningz Si Minzveij、Cungzcoj Si Minzyijveij daengj 7 aen danhvej boux lingjdauj youq gwnz hoih guh le gyauhliuz fazyenz.

SIUSIK DINJ 简讯

● 1 nyied 10 hauh, Nanzdanh Yen Minzcwnggiz gunghcoz yinz-yenz hai ci 42 goengleix, dawz 50 geu buhmienz moq soengq daengz Lijhuz Yauzcuz Yangh Gojva Siujyoz, hawj 47 boux siuj hagseng Bwzguyauz daenj ndangdaenj mbang haenx miz le ndangdaenj dingj nit.

(Fuz Lungzgyangz)

● 1 nyied 10 hauh, Lungzswng Gak Cuz Swciyen Minzcuzgiz bang lingjdauj ganbu he daengz aen cunh bangfuz lienzhaeh Swsuij Yangh Couhyah Cunh, cunzcam le cunh ganbu、dangjyenz gungzhoj 8 boux, gungh soengq cienz veivwn 2000 maenz.

(Lungz Cwng)

● 1 nyied 9 hauh, Cungguek Yauzcuz Vangj vangjyouj nem doenghboux aisin 8 boux, youz fucungiben Veiz Swngsan daiq-lingx, daengz Dava Yauzcuz Swciyen Gyanghnanz Yangh Fazdangz Siujyoz, fat mauh、madfwngz、denz daengj hawj hagseng, gij doengh-yiengh neix dij fanh lai maenz.

(Vangz Vwnzboh)

● 1 nyied 8 hauh, Audaliyay gyauzbauh Vei Gihcwngz gvanbaz gien 600 geu ndangdaenj dingj nit dij 24 fanh lai maenz haenx hawj Lozyez Yen Dungzloz Cin Sanggangj Cunh, Sinhva Cin Denhbingz Cunh、Lozsah Yangh Yinzlungz Cunh、Youbingz Yangh Lungznaz Cunh daengj gij cunh mbanj saujsu minzcuz comzyouq haenx.

(Yangz Swngciz)

● 1 nyied 7 hauh, Yizcuh Si Minzcuzgiz youq siveij dangjyau gawjbanh le minzcuz gunghcoz sinsizyenz beizyinbanh. Daengx si minzcuz gunghcoz sinsizyenz nem minzcuzgiz daengxcungq ganbu gungh 86 vunz camgya le beizyin.

(Cwnggh Siujmeiz)

● 1 nyied 7 hauh, Lungzlinz Gak Cuz Swciyen Minzcuzgiz veivwncuj daengz diemj fuzbinz—Dwzngoz Yangh Ya'gyahvanh Cunh nem Mohgih Cunh cunzcam ginz-cung saujsu minzcuz gungzhoj. Baez neix gungh cunzcam le 8 hoh ginz-cung saujsu minzcuz gungzhoj (Myauzcuz 5 hoh、Gwzlaucuz 2 Hoh、Yizcuz 1 hoh), moix hoh fat hawj fan denz he nem 100 maenz ngaenz.

(Dauz Dwzgvangh)

Cozgyah Bouxcuengh: Hawj Vwnzyoz Bouxcuengh Caiq Hoengh Hwnjdaej 壮族作家:重振壮族文学雄风

Bonjbauq siusik (gicej Dangz Lungz) 1 nyied 11 hauh lajbyongh-ngoenz, Daihngaih Baez Vwnzyoz Bouxcuengh (Gvangjsih) Daujlunvei youq Namzningz gawjhengz. Doengh-boux cozgyah、bingzlun'gyah dox-comz giz he, doengzcaeaz lwnhyaeng gij cingzgvang soundaej nem saetbae vwnzyoz Bouxcuengh (Gvangjsih) caeuj baezlaeng baenzlawz fazcanj.

Youq ndaw Cungguek sauja minzcuz vwnzyoz, vwnzyoz Bouxcuengh dwg aen bouhfaenh cungyau he, hix dwg Gvangjsih vwnzyoz aen bouhfaenh cungyau he. Cozgyah Bouxcuengh Cangcoz Cuzcinvei veicangj Vangz Beivaz naeuz, couh-cinj seizneix vwnzyoz Bouxcuengh gaenq miz haujlai cinbu nem fazcanj, hoeng vanzlij vwndiz mbouj noix. Lumjbaenz, mbouj miz cienmonz gveihva nem cosih daeuj gensez nem fazcanj vwnzyoz Bouxcuengh, cwng-cwz bangfuz mbouj gaeuq, cozbinj cozgyah Bouxcuengh oksaw hoj daengj. Ngoenzneix hai aen hoih daujlunvei neix, gij muzdiz ceiq hung couhdwg yaek hawj vwnzyoz Bouxcuengh caiq hoengh hwnj-



daeuj.

Aen Cozgyah Bouxcuengh Cangcoz Cuzcinvei laeb youq 1987 nienz haenx, vih beizyangj cozgyah Bouxcuengh, sawj vwnzyoz Bouxcuengh hoengh, doidoengh vwnzyoz Bouxcuengh cinbu, guh le haujlai hong. Ngoenz haenx, Cozgyah Bouxcuengh Cangcoz Cuzcinvei vanzlij gawjbanh le aen hoih fatciengj Daihcaet Gaiq Bouxcuengh Vwnzyoz Ciengj caeuj

Daihsam Gaiq Sawcuengh Vwnzyoz Ciengj. Sawcuenh raez《Gij Nae Louz Youq Seizhah》youz Mingz Mei sij haenx daengj 5 bouh cozbinj ndaej Daihcaet Gaiq Bouxcuengh Vwnzyoz Ciengj; sawcuenh raez《Bangx Dahgovaeng》youz Siz Caizyij、Lingz Hinghningz、Ganh Sozvwngz sij haenx daengj 4 bouh cozbinj ndaej Daihsam Gaiq Sawcuengh Vwnzyoz Ciengj. Ndaw doz dwg veiyl yienhciegz.